

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzvei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2023

Nd.6 Ng.21

Liggaeuq gvejmaux nienz ndwenngux coseiq

Geizsoq: Gungh daih 3577 geiz

Siz Ginbingz Raiz Saenq Hoh Gaiq Cibhaj Haijyaz Lundanz 习近平向第十五届海峡论坛致贺信

Sinhvazse Baekging 6 nyied 17 hauh dien 6 nyied 17 hauh, Cunghung Cunghyangh cungsuhi, Guekgya cujsiz Siz Ginbingz raiz saenq cukhoh Gaiq Cibhaj Haijyaz Lundanz.

Siz Ginbingz vixok, haijyaz lundanz dwg aen bingzdaiz youqgaenj coihawj gak gyaiq song hamq doxcunz dohdaengz, doinyoengx ndawbiengz song hamq doxhag doxgap. Gyoengq beixnuengx song hamq baengh haijyaz lundanz doxhag gyauyox gyausim,

gya miz cingzgeih, gyalai fukfaenh, yied byaij yied gyawj, yied byaij yied nem. Muengh haijyaz lundanz mboujduenh gyarengz hawj ndawbiengz song hamq gyalai doxhag, hawj song hamq doxgyaux hwngfat.

Siz Ginbingz daegbied gangi daengz, youq gwnz roen moq guh yiengh yendaiva Cungguk baihnaj ronghrangrang, guekgya ndei, minzcuz ndei, beixnuengx song hamq cix ndei. Raeuz lumj gaxgonq nei it-loh aeueiq, gyaezhoh, cauhfuk beix-

nuengx Daizvanh, laebdaeb coihawj song hamq ginghci vwnzva doxhag doxgap, hawj song hamq gak yiengh doxgyaux hwngfat, guhdoihaenq-rengz fatyengz Cunghvaz vwnzva, coihawj beixnuengx song hamq hoz lai doxngamj. Muengh gyoengq beixnuengx song hamq guhdoihaenq dawz ndei seizsei q hung lizsij, soujmaenh gij cingqgeih minzcuz, ok goengrengz doinyoengx song hamq huzbingz hwngfat, doinyoengx guh ndei saeh-hung guekcoj dungjyiz, doengzcaez

cauh gij fukfaenh raezrang Cunghvaz Minzcuz, guhdoihaenq caemh raen minzcuz fukhwng miznaj hungmbwk!

Gaiq Cibhaj Haijyaz Lundanz youz Gozvuyen Daizvanh Swvu Bangunhsiz caeuq Fuzgen Swngj Yinzminz Cwngfuj gyonjcomz 82 aen gihgou, cujciz song hamq guhdoihaenq cawjbanh, cawjdaez dwg “hawj ndawbiengz song hamq gyalai doxhag, hawj song hamq gyalag doxgyaux hwngfat”, 17 hauh youq Yamwnz banh daihhoih lundanz.

Go Lwngnyez Mulaujcu Ndaej Hwnj Daizheiq Goeng'ik Biujyienj 侬佬族童谣民歌登上公益演出舞台



6 nyied 18 hauh, Lozcwngz Mulaujcu Swciyen Daihngaih Siujyoz Hozcangdonz miz 29 boux siujhagseng hwnj daizheiq hung “lwngnyez sim coh dangj ciepswnj bogfeiz ndei”——Gvangjsih Bouxcuengh Swcigih Ginzung Yisuzgvanj Goeng'ik Yienjok Caeuq Daengx Gih Nyezrauh Yienj Heiq, gyoengqde youq gwnz daizheiq neix yienjciengq 《Gyaeqhoengz Seiq Yienz》caeuq 《Yihyih Cazdangz (Ndeindei Doegsaw)》. Ndaw doz dwg gyoengqde cingq yienj 《Gyaeqhoengz Seiq Yienz》.

(Se Swnggi/谢盛钜)

Yizcouh Guh Canjnieb Yungh Ngeiq Gonengznuengx Ndaem Raet Gwn Bi Canjciz Ndaej 2.3 Ik Maenz

宜州桑枝食用菌产业年产值 2.3 亿元

Geij ngoenz gonq, miz aen hanghmoeg Seiqgyaiq Yinzhangz ok daigvanj guh ndeu heuhguh Hozciz Si Yizcouh Gih Hinghvej Ciennieb Hozcozse, youq ndaw neix laj aen bungz hung aeu ngeiq gonengznuengx ndaem raet gwn, gyoengq gunghyinz cingq nyaengqny' nyi nei mbaet bad raetnaeng daih' it bineix. Doenghgi

raetnaeng miz vunz roengz dinghdan aeu neix yaek “hwnjdin” bae coh Gvangjdungh, Liujcouh daengj dieg.

Yizcouh youq daengx guek dwg aen dieggiek cei q hung ndaem gonengznuengx ciengx nonsei, aen hozcozse neix yungh ndei yungh doh gij swhyenz laiak neix, aeu ngeiq gonengznuengx daeuj ndaem raet gwn,

baenzneix guh mboujdan yungh ndei gij huqfeiq huqvut ndaem gonengznuengx ciengx nonsei cix mizok haenx, vanzlij hawj cienzgoek bae noix, cienzcanh ndaej lai, guhdaengz hawj aen canjnieb ndaem gosangh ciengx nonsei baenqcieng hwngfat. Bi 2022, aen gih neix miz 39.25 fanh moux najdieg suen gonengznuengx, bi

miz ngeiq gonengznuengx 40 fanh dun doxhwnj; yungh ndei 9.6 fanh dun ngeiq gonengznuengx, ciemq gij cungjsoq ngeiq gonengznuengx bae 24%; guhbaenz 8550 fanh daeh ngeiq gonengznuengx ndaem raet, ndaej 2.65 fanh dun raet ndip, canjciz miz 2.3 ik maenz.

(Liu Ginglingz Loz Dauh)